

傳世漢文琉球文獻輯稿

海峽出版發行集團

暨江出版社

傳世漢文琉球文獻輯稿

第一輯



海峡出版发行集团
THE STRAITS PUBLISHING & DISTRIBUTING GROUP



江苏出版社
JIANGSU PUBLISHING HOUSE

第三十冊目次

海國聞見錄	一
紀琉球入太學始末	一六一
續琉球國志略	一六九
琉球地理小志並補遺附說略	三七一
中山紀略	三九一
中山見聞辨異	三九七
琉球實錄	四一三
琉球朝貢考	四一九
琉球向歸日本辨	四二三
琉球三策	四二九
琉球譯	四五五

海國聞見錄

二卷

〔清〕陳倫炯撰 清乾隆五十八年（一七九三）序刊本

海國聞見錄

重刻海國聞見錄

陳資齋先生海國聞見錄圖說爲防戊經海國聞見錄
書前陞任香山明府彭竹林以是出大洋殲海寇子
見而愛之摹繪手卷藏諸行篋今晴蘭林先生復訪
得原本校正貽予重刻以廣其傳俾有事洋面者咸
知趨避予老矣如淵明之讀山海經不過藉以推擴
見聞世有偉人立勛溟渤安知功名富貴不卽在不
龜手之藥也哉

乾隆癸丑年午月浙江

石門馬俊良重訂
蛟川林秉璐校字



聞見錄序

我

國家

歷聖相承德洋恩溥版圖所屆極地際天蓋自負古
以來未有若斯之遠且大者也故其海防自塞
外以迄幽冀齊魯吳越閩粵袤延幾千萬里列
鎮建營星羅棋布兼有額設戰艦分員遊巡海

洋機宜亦既謹嚴詳備當時所謂遊魂伏莽久
已蕩焉泯焉於無何有之鄉矣獨是外洋諸番
種類繁雜山經海志之所不能載齊諧諾臯之
所不能言使非懷文抱質廣見博聞者爲之綴
輯成篇不幾爲史乘之未備歟同安 資翁陳
老先生以閩南貴胄少侍

禁廷余時卽同厠班聯頗相莫逆迨余秉鉞兩江而
先生適爲崇明狼山兩要鎮今余移節閩浙先

生又提督甬東密邇海疆嚶鳴有素遂出所爲
聞見錄者屬余論定余乃知是錄也爲其

尊大人涉歷海洋窮極幽遠自日出之國以至窮
沙極島凡身之所經目之所覩無不廣詢博諮
熟悉端委後以建績澎湖開鎮百粵而先生於
過庭之日洞悉淵源故今錄中如各洋道里之
阻修分野之向背島嶼之遠近番國之怪奇下
至風俗人民物產節候無不詳加綜覈各極周

詳他如沙磧之險夷也使浮海者知所避就萑
苻之伏藏也使哨巡者知所追捕蓋安邦靖匪
之策于是乎在吾聞古來以著述世其業者班
則爲彪固馬則有談遷今先生是錄得諸

尊人所授而又節鉞所屈悉任海疆故能續承先
志衣德紹聞至所云志

聖祖仁皇帝暨先人之教於不忘則是錄也益可以
見先生忠孝之大節豈與夫班馬諸人徒以文

字垂聲而已若余尸素海濱涔蹄未涉披展之下不免望洋而歎也夫肯

乾隆九年歲次甲子夏月閩浙制使洪科弟那

蘇圖拜謨





海國聞見錄序

乾坤闔闢以來海爲大海者晦也言其荒遠冥昧聞見眩惑也邵子云所謂中國者天下八十分之一有裨海環之又有大瀛海環之聞見爲難陳白沙云今之四海非海也凡地下皆水此乃水之溢出地者聞見猶易嗟乎由二公之言觀之聞見難耶易耶吾聞忠於君者必能盡其職苟職任海濱測星辰之分野占氣候之速

遲辨飲食言語之不同察島嶼洲渚之各異非
如象罔之索珠狼臙之鯁金則其言卓乎可傳
矣我

皇上四海一家九有截服欽

聖聖之相承丕無外之基業萬國衣冠共球畢至所以
頌昇平而靖海氛者百餘年矣其間水陸要隘
軍容嚴整慶得人於師中寄股肱於要地
皇圖有磐石之安金甌無或缺之慮焉同一

資齋陳公以卓犖雄才世傳其美開闢崇明移節
甬上爲全浙金湯之倚與余同守海邦縱言防
海之畧輒口講指畫直授要隘百餘所若燭照
數計洞然無疑指螺掌壑當下可信知其經臨
往復非一日矣越時郵寄海國聞見錄二冊示
余披其圖繪註說如覽十洲記如讀山海經前
明籌海圖編紀效新書遜其經畫能不望洋而
驚向若而歎耶綜其本末蓋由